

BONERIANO®

Tur kos ta
kuminsá i kaba
ku konfiansa
den bo mes

EDITOR:
Bonaire Communication Services N.V.

Djaweps 23 febrüari 2023 | Preis:\$1.00

BARKU SIN KAPITAN

Bunita marcha di despedida



Bunita marcha di despedida, te final pa despues kima Rei Momo. Marchanan tur tabata bunita, for di mucha te esun di adulto. Tur hende di grupo a hasi esfuerso pa presentá bunita den kayanan di Playa. A sende Rei Momo algun minüt promé ku 12'or di anochi, ya pa 12'or kasi e kandela a paga, lagando solamente restunan di Rei Momo.

MANTENE BO
VEHIKULO OF
EKIPO DEN
KONDISHON
KU PIESANAN
KUMPRÁ NA NAPA



xerox™



OBERSI
ELECTRONICS
BONAIRE

Gift
CARD

CityShop

Smart shopping • Better living

Easy, nice and thoughtful



Programanan di Bonaire.tv

TELBO kanal 70
Flamingo TV kanal 23

Djaweps 23 febrüari 2023

12.00 Aktualidat:	Ramonsito Booi
13.00 Aki Boneiru:	Boi i Jopie Kleurenbril
14.00 Herensia:	Fransisco Romauldo Gomez (Shon-Ma)
15.00 BAPA:	DJ Marvin
16.00 Herensia:	Pedro Paulino Sint Jago
17.00 Aki Korsou:	Presentashon na Landhuis Bloemhof Konmemorashon
18.00 Herensia Korsou:	Etzel Provence
19.00 BAPA:	Kueba di La Birgen
20.00 Programa Politiko:	MPB ta Informa Episodio 12
21.00 Aki Bonaire:	Timon Krioyo na Dimi i Dibo Ranch
23.00 Herensia:	Agripino (Roly) Bisslik

Tur mèrdia 12'or ta kuminsá un programashon nobo di 4 ora. E programashon aki ta ripití pa 24:00.



Barbas Construction B.V.

ta buska
- 2 metselaar (albaniles)

Inf. tel. nr

782-3456

Executieverkoop

Op vrijdag 24 februari 2023, om 10:00 uur vindt een openbare verkoop plaats.

De verkoop is ten laste van:

DE LA ROSA GONZALEZ, Miguel Adolfo

Te koop wordt aangeboden:

Personen auto merk LEXUS, model IS250, bouwjaar 2008 automatic/right hand drive

De zaken zijn 30 minuten vóór de verkoop voor één ieder te bezichtigen. Betaling á contant, zonder opgeld en bankoverschrijving.

De verkoop, in opdracht van de ontvanger van de Belastingdienst Caribisch Nederland vindt plaats op het adres:

Kaya Nikiboko Noord 33 (parkeerplaats Achi Tours)

Belastingdeurwaarder belast met de executie Sedney Sint Jago.

'I've commanded you to be strong and brave. Don't ever be afraid or discouraged. I am the LORD your GOD, and I will be there to help you wherever you go'
Joshua 1:9



GRADISIMENTU I INVITASHON

Nos kier a gradisí tur persona ku a mustra atenshon i kariño pa medio di yamada, mensahe, flor, karchi, generosidat i presensia na ora di fayesimentu i despedida di nos defuntu stimá

Kenneth Wilfred 'Kenny' Martin

Boso muestra di atenshon ta di gran konsuelo pa nos.

Nos ta invita na santo sakrifisio di misa
awe djaweps 23 febrüari pa 7:30 anochi
na misa di Coromoto na Antriol i
djasabra 25 febrüari pa 7'or anochi
na misa San Bernardo na Playa.

Aseptá esaki komo un invitashon personal.

Ku profundo pena ta partisipá fayesimentu di nos tata, welo i ruman

Ludwin Macario Maria

mihó konosí komo Luty Maria



Na nòmber di su

tata: † Benny Maria

mama: † Estella 'Tela' Maria

su partner:

Esther Anthony

Yunan:

Angely Maria, Bryan Maria, Sylvestine Johnson

Netunan Ashanti, Jayverson, Jeanice, Kevin i Taciana,

Rumannan:

† Moyelba Maria

Soraida de Jong-Maria

Isola Maria i famia

† Ewolda Maduro-Maria

Edmeé i Clifford Makaya-Maria

Henny Maria i famia

Ruthsela i Almond Winklaar-Maria

Wensley i Shanella Maria-Chakoetoe

Charissa i Edsel Koster-Maria

su eks-kasá:

Marietta Dimie

Tur su subrino- i subrinanan, primu- i primanan ku nan respektivo yunan i famia

Tur suá- i kuñanan

Su madrina Poulina Windster, komader- i kompadernan

Su amigu kompader Nes Elisburg

Demas famia: Maria - De Jong - Maduro - Makaya - Royer

- Koster - Chakoetoe - Angela - Anastacia - Martes - Ustacia

- Hart - Coffie - Chance - Sprockel - Hinfert - Peternella -

Pieters - Cornelia - Rodolf - Martina - Elisabeth - Meyer -

Alexander - Nicoala - Estella - Simarel - Accord - Susana -

Dimie - Anthony - Ostiana - Jostin - Pedro - Godfried - Benillia

- Francisca - Windster - Zimmerman - Constanca - Polonius

- Carolina.

Nos diskulpa si den nos tristesa nos a lubidá di menshoná

algun famia/ser kerí

Despedida ta tuma luga djabièrnè 24 febrüari na

Consuelo Memorial. Ta kuminsa risibi bishita di kondolensia di 2'or pa 3'or.

Despues kremashon ta tuma lugá den seno familiar.

Famia ta pidi pa asisti na trahe alegre.

Pa esnan ku no por ta presente, por wak e seremonia live riba facebook di: Bryan Maria.

M
B



Bon dia, bon tardi, un felis dia pa tur lesadó di BONERIANO i un djaweps bendishoná.

Mi no ta gusta karnaval mashá, pero e ta parti di mi kultura.

Tur djabièrnè mi ta bai training pasobra mi ta den un banda krioyo ku a lanta na 2020 i nos a bai kanto krioyo di mucha. E promé bia mi no tabata gusta pa kanta, despues mi tanta a keda bisá mi bo tin ku purba wak si bo ta gusta sí òf nò, te ku awor mi ta kanta dos kantika. Den promé mi tabatin miedu, pero segun ku mi a sigui praktiká, el a bira mihó i awor akí mi no tin e miedu mas.

Mi gusta kon nos grupo ta formá di músikonan yòn, tur e tokadónan ta mucha yòn ku yen talento. Tur ora mi ta puntra Kultura pa letra di kantika manera simadan. Mi ta gusta e manera kon e ta para i kanta, e manera kon e ta trese e kantika dilanti ta hopi bunita i tambe mi gusta e kantika di Emma Sint Jago ku e título Kas di Bara, e ta un kantika mashá bunita i nèchi letra. Esun ku mas mi gusta ta Hasidó di redu, ku mi stèm fini asina mi ta kanta e kantika ei.

Lo mi ke sigui den e mundu di muzik krioyo, e no ta fásil i tampoko difísil.

Mi gusta kome kuminda krioyo anto sí ta mi wela kushiná, ta mas mihó ainda. Mi gusta kome un bon sneibonchi, òf un bon piská ku funchi, banana hasá i i sous krioyo. Mi wela ta malkriá su Cai mas tantu sí, pasobra loke Cai bisa ku e ke kome, oma ta drecha pe, esta malkriá Cai ta serka oma Gala.

Tiki tiki mi ta dal stap, pero chikitu ku ta hasi mi mes hopi orguyoso di mi mes. Semper un persona a bisá mi ku loke bo ke logra, bo tin lucha pe, no laga nan stroba bo logronan. P'esei mi a kis ku mi ta bai sigui un curso e aña akí, e ta henter un otro kos ku loke mi a siña pe. Mi ta kontentu ku mi a kis pa tòg sigui esaki.

BARKU SIN KAPITAN

KRALENDIJK – “Parokia di Rincon a para bira manera un barku sin kapitan. Tur hende sa kiko por sosodé ku un barku sin kapitan. Ola por pasa riba e barku i esaki ta noufragá, sea senk òf dal riba kosta.” Esaki un habitante di Rincon, fiel katóliko, a deklará na BONERIANO. E ta preokupá pa e echo ku último añanan no tin masha stabilitat di saserdote den e parokia. Aworakí mes pad- er Ivan di e parokia ta enfermo na Colombia, su pais natal. Problemanan di salú ta pone ku tin biá pa tempu largu e pastor aki ta na Colombia pa kuido médiko, loke e no por yuda lógicamente, pero e ta sòru sí pa un bashí den e parokia.

Segun parokianan ku a papia ku BONERIANO, e situashon ta serio. Laga pastor for di parokianan di Playa bini tene santu eukaristia na Rincon no ta solushon. Mester tin un pastor ku base mas permanente den e parokia.

“Obispu Secco mester realisá ku mester hasi algu den nos parokia. Tin yen di kaiman na boka di riu, esta iglesianan pentekostal ku ta purba penetrá.

Rònt Rincon nan ta pone nan bòrchinan i invitá hende na nan sentronan di enkuentro. Rinconeronan ta konosí komo bon katóliko, firme den nan fe, pero ta yega momentu ku nos tambe por kai for di nos fe katóliko”, un señora kató-



liko di e barío a indiká.

Manera e señora ta bisa, Rincon ta un fòrti katóliko, na unda iglesianan Protestant, Atventista i Aliansa Evangéliko, pero nan a

keda chikitu, ku kantidat limitá di kreyente.

Iglesianan Pentekostal ta purbando agresivamente pa tambe por drenta, pero e ta bai difísil.

UNKOBON ta pidi klaridat di tur partido polítiko lokal

KRALENDIJK – UNKOBON, ku ta sali na interes di konsumidónan boneriano, ta pidi klaridat di tur partido polítiko lokal

riba nan posishon den asunto di mínimo sosial, loke ta mará na pobresa riba e isla. Ya pa hopi aña pobresa pa mas ku 40% di poblashon

di Boneiru ta e problema di mas grandi. Apesar di esaki tòg gobièrnu hulandes ta pretendé ku politika lokal no ta duna suficiente señal ku mester fiha un minimo soshal real, mas lihé posibel.

Segun UNKOBON, Boneiru por duna awó un señal serio ku nos no ta sigui soportá e situashon aki mas. Partidonan polítiko lokal por duna di konosé, den e elekhon benidero, nan posishon ora ta trata pobresa i seguridat di eksistensha i tambe ku nan lo sali pa e habitantenan vulnerabel di Boneiru. E votadónan kier sa esaki.

Pa e motibu ei Unkobon a dirigí dos siman pasá un karta na tur lider di e parti-

donan polítiko lokal, ku ta bai partisipá na e elekhon próksimo, ku e petishon pa kontestá dentro di dos siman e siguiente dos pregunta:

1. Bo partido tambe ta di opinion ku riba un término kòrtiku mester fiha un minimo soshal pa e habitantenan di Boneiru di kual por kubri e gastunan minimo di kosto di bida? Si / No

2. Bo partido ta apoyá UNKOBON polítikamente den e kaso hudisial kontra estado Hulandes pa fiha un minimo soshal real?

Si / No

Unkobon tin intenshon pa publiká e kontesta i remarkenan di e partidonan polítiko otro siman

INVITASHON REUNION GENERAL

Piskabon ta invitá su miembronan na un reunion general, segun statuto:

dia: djaluna 27 febrüari 2023

ora: 6'or pa 8'or anochi

lugá: ofisina Piskabon Kaya Nikiboko Nort 2.

Punto di agenda:

- *presentá relato anual, relato financiero
- *algun palabrashon sumamente importante.
- *topiko di e boeinan, problematiko di nos slipwaynan i waf di piskadó na Sorobon.

Bin skucha, dialogá i interkambiá pensamentu na bienestar di peskeria.

Bo presensia ta altamente apresia.

E. M. de Lanoy
Presidente Piskabon

HUSTISIA



Muhé kondená pa maltrato

KRALENDIJK- Ministerio Públiko a hiba e sospechoso femenino J'aime T. (25) nasé na Hulanda, dilanti hues pa 2 echo kastigabel. Kore outo bou di influensia di alkohòl i maltrato. Korte den Promé Instansia a haña ámbos akusashon legalmente i konvinsentamente probá.

E sospechoso a presentá 16 di febrüari den sala di korte ku su abogado mr. Edward Winkel i fiskal mr. Veneberg a representá OM.

Kolaboradó di Ofisina Yudansa pa Víktima tabata presente i a entregá petishon pa daño i perhuisio di 500 dòler.

Segun e akusashon, riba 23 di mei 2021 T. a kore outo bou di influensia di

alkohòl i a okashoná un akcidente. El a hasi e tèst di supla ku a detektá un promilage di 340.

“Mi mester a desviá pa motibu di kabritu”, T. a duna komo splikashon.

E segundo echo ta trata di maltrato di un muhé riba 11 di ougùstùs 2022. Aparentemente e sospechoso a parker outo dilanti kas di e víktima i tabata filma. E víktima a reklam’é i T. a dal e den su kara, bent’e abou i skòp e na su pia.

T. a duna su banda di e medaya. “Mi a mira 2 hòmbler sintá abou i mi a para pa puntra si nan ta bon. E hòmblernan a saka nan órganu seksual i mustra mi esaki.

E muhé mes a bin den

mi kara bin mete ku e situashon. Mi a dal e komo reakshon riba e mes.”

Fiskal a sigui konseho di Reclassering. “Bo tin problema ku mal uso di alkohòl. Nan ta konsehá pa bo haña guia i treinen pa ku esaki”, el a bisa. T. a hasi bon kla ku e no ta di akuerdo ku Reclassering i a ninga pa bai bou di nan guia.

OM a demandá un kastigu di prizòn kompletamente kondishonal di 6 siman, ku un periodo di prueba di 2 aña.

Tambe 80 kastigu di trabou i supervishon di Reclassering. Pa e infrakshon di tráfiiko a demandá 75 dòler. Fiskal a pidi Korte pa bai di akuerdo ku e petishon pa daño i perhuisio

di 500 dòler.

Abogado mr. Winkel a splika ku e ta haña e dosié penal sumamente brua. Deklarashonnan no ta kuadra ku otro.

“Mi no ta mira e balor agregá di e kastigu di trabou. Tambe mi ta pidi pa baha e montante di daño perhuisio te 200 dòler.

Ya ta 8 luna pasa ku e insidente a tuma lugá”, e abo-

gado a boga Korte.

Hues mesora a tuma su desishon. Korte den Promé Instansia a kondena J'aime T. na un kastigu di prizòn kompletamente kondishonal di 3 siman i 40 ora di kastigu di trabou.

Tambe e mester paga 300 dòler komo daño i perhuisio.

Kaso pro forma kontra 4 venezolano

KRALENDIJK- “Nos a hasié pa nesidat. E situashon na Venezuela ta malu. MI ke pidi diskulpa”, tabata último palabranan di un sospechoso venezolano. Ta trata aki di e kaso kontra 4 venezolano, Angel V, Ramon G., Raulis G. i Jose M. Wardakosta a interseptá nan riba 17 di dezèmber último ku 1280 kilo di kokaina.

Awor Ministerio Públiko a hiba e kaso dilanti hues. Korte den Promé Instansia a atendé e kaso aki 16 di febrüari pro forma. Fiskal mr. Teengs-Gerritsen a representá OM miéntas abogado mr. Winkel a hiba e de-

fensa. E sospechosonan ta enkarselá den cuadro di aresto preventivo, pues wardadónan di prezu a eskolta nan pa sala di korte. Un di e sospechosonan a bisa den Korte ku e no tabata sa ku nan tabata transportá kokaina.

El a asumí otro sorto di droga. Tambe nan a pidi fiskal pa debilbé e sèn ku a konfiská riba e boto pasombra esaki ta sèn pa manda pa nan famia na Venezuela.

“Tur kos a keda na JICN. Lo mi informá tokante esaki”, fiskal a kontestá. Korte den Promé Instansia lo atendé e kaso aki den su contenido 12 di aprel próksimo.

Segun hues:

“Derechi víktima ta pisa hopi

KRALENDIJK- “E derechi di víktima ta pisa hopi”, hues a bisa na momentu ku el a posponé tratamentu di e kaso penal kontra Sulmira N. (27). Ministerio Públiko ta akus’é di maltrato di un muhé, destrukshon di paña di e víktima, no sigui òrdu di polis.

Sulmira a presentá den

sala di korte kompañá pa abogado mr. Winkel. Fiskal mr. Veneberg a splika Korte ku e víktima ke entregá petishon pa daño i perhuisio. E ta biba na Hulanda i mester di tempu pa por akumulá tur dokumento pa sostené su petishon. Abogado mr. Winkel a bisa ku e ta haña basta fèrfelu pa posponé e

kasu. Ademas, e víktima semper por kuminsá un kaso sivil pa risibí kompensashon. Hues a duna Sulmira e último palabra. “Mi ta haña fèrfelu, Mi ke kaba ku e kos aki pa kaba”, el a bisa.

Korte den Promé Instansia lo atendé e kaso aki den su contenido riba 8 di yüni próksimo.

Hurídkamente no por hasi nada

Kònkementu ku impuesto di turista

KRALENDIJK – Ta kònkèl ku e impuesto di turismo nobo di Boneiru, e asina yamá Visitor Entry Tax (VET). Un òf mas sabí a traha un portal igual riba e web-site di Entidat Públiko Boneiru pa saka plaka for di saku di turistanan. Entidat Públiko Boneiru i Tourism Corporation Bo-

naire, a deskubrí e práktikanan aki na desèmber, pero ta bisa ku no por hasi nada kontra e loke nan ta yama ‘resellers’ ku danki na e VET fásilmente por yena nan saku.

Den sentido hurídiko, no tin menshon di froude òf estafa. E seshon siber-nético di Kuerpo Polisial

Karibe Hulandes a hasi investigashon i for di esaki a sali na kla ku esaki no ta ilegal. Hurídkamente no por hasi nada kontra esaki, segun Guus van Eerde di seshon di finansa, den un publikashon di Dossier Koninkrijkrelaties.

Esun ku pa medio di e funshon di búskeda riba internet bai buska informashon tokante di VET, komo promé página ta haña e ofresedónan komersial mira. E bista ta parse meskos ku riba e web-site ofisial. Solamente no ta trese 75 dòler pa personal den kuenta, pero sumanan di 95 dòler òf mas.

E web-sitenan enbolbí ta kondusí e notifikashon dor pa e sistema ku Boneiru ta usa i ta traspasá e suma ofisial di 75 dòler. Ta usa e QR-code seguidamente outomátikamente pa e persona entre medio ku ta mand’è pa su kliente kende mester demostrá e kódigo na su yegada na Aeropuerto Flamingo pa por drenta.

Kuantu bishitante a keda engañá, Entidat Públiko Boneiru no por bisa, pero for di informashon interno parse ku na desèmber so ya tin menshon di por lo ménos hopi shen. Ken tin skondí tras di e web-sitenan akí, Bonairetax.org i Tourismtaxbonaire.us, no ta konosí. Ta lanta e spekulashon ku esnan ku ta ofresé esaki ta operá for di Estádus Unidos, pero e sospechoso ta hopi mas serka di kas, mester buska esaki na Boneiru òf Kòrsou.

Van Eerde a bisa ku e sistema ta insuficiente seif. E empresa ku ta manehá e sistema, IBIS Management Associates na Kòrsou, sí ta hasiendo investigashon kon por sera e lèk. Un eksperto di IT a bisa redakshon ku mester por blòkia esnan ku ta risibí kantidat grandi

di petishon ku un intervenshon simpel.

Relashoná ku e práktikanan akí, Entidat Públiko Boneiru i partnernan di TCB manera organisashonnan di biahe, hotèl, kompanianan di hür outo i skolnan di buseo, a pidi nan klientenan enfátikamente pa bishitá e web-site ofisial di VET. Banda di esei a kumpra software pa sòru ku e funshon di búskeda ta mas haltu posibel pa haña riba internet.

Pa henter e imple-

mentashon di e impuesto nobo ya tabatin basta problema. Despues ku e fundashon hulandes Waddencard riba petishon di Entidat Públiko Boneiru a tèst e konsepto ya desaroyá pa Waddeneilanden adaptá na e situashon i deseo boneriano, a disidí pa un destaho. E eskoho a kai riba IBIS. Stichting Wadencard a sinti su mes usá i a enbolbí un abogado. Segun informashon kasimente e fundashon no tabata enbolbí den e destaho di TCB.



MÉNOS NESESIDAT DI HENDE, MAS AMOR PA HENDE

“Stima Señor bo Dios ku henter bo kurason, i ku henter bo alma, i ku henter bo mente, i ku tur bo forsa.” E di dos ta esaki: ‘Stima bo próhimo manera bo mes.’ No tin ningun otro mandamentu mas grandi ku esakinan.” Marko 12:30-31(BS)

Nos tur mester di otro persona ku por tei pa nos den bon i den malu, meskos nos tambe pa nan. Sinembargo, nos fuente di forsa, goso, pas, siguridat, mester ta Dios; no hende. No amor propio, òf kere den bo mes. Ma amor pa Dios i kere den Dios, ku E ta duna nos e kapasidat nesesarío pa kumpli ku loke El a pone nos dilanti. Den Su Palabra ta bisá: pa nos stima Dios, seguidamente nos próhimo manera nos mes. E ta bisa asina, pasobra hende outomátikamente ya ta stima su mes, asta demasiado.

Mester ta asina ku tur kos bon ku nos ke, nos ta deseá esei den orashon pa nos próhimo tambe. Dios a krea hende pa adorá Dios. Adam i Eva a peka pasobra nan a deseá di haña e adorashon ku solamente Dios meresé. Ora bo kurason ta adorá sea bo mes, otro hende òf kos, bo ta poniendo un persona òf algu na e lugá ku solamente Dios mester optené.

Dios komo nos fuente ker mèn pa dependé ariba Dios pa haña:

Forsa: Isaias 40:28-31

Goso: Nehemias 8:10

Pas: Isaias 26:3-4

Siguridat: Juan 10:28-31 i Jeremias 17:7-8.

Kon bo por hasi Dios bo fuente?

-Papia ku Dios: Involukrá Dios den kada área di bo bida, dor di papia habrí kunE.

-Bisa versíkulo: Usa versíkulonon i pone bo nòmber den dje, i aplik’é personal na bo bida.

-Siña di otro: Puntra un persona ku tin Dios komo su fuente, i siña di dje.

Biba ku ménos nesesisidat di hende, ma mas amor pa hende!

Priscilla Krolis

produkshon PGM

Consuelo Memorial

Kaya Maria C. Hellmund-Boom 11 • Bonaire • CN
T/F: (+599) 717 3243 (24h) • info@consuelomemorial.com •

my brother

none of us may choose where and when to be born; mostly not even we may decide among whom to live; not always may we determine time and place to die; in the end we may wish where and how to be entombed; eternally united with all our cherished and beloved;

mi ruman

niun di nos por skohe unda pa nasi; tin biaha por disidi kaminda ke biba; no tur ora por determina luga di muri; na final si por desea unda pa keda dera; huntu ku prohimo eterno i sernan keru;

With saddened and thankful hearts we announce the decease of:

Ku doló i danki di kurason nos ta partisipá fayesimentu di

Wilson, Norman Elmann

left to mourn in loving memory of
den felis memoria di parti di

widow/viuda:

Marjolein ‘Leintje’ Wilson-Finies

sons/yunan:

Malcolm Wilson

Lloyd Wilson & family

stepdaughters-sons/yunan di kriansa:

Marbi Frans & family

Jude de Wolff & husband

Markus Thodé & esposa-spous

Kevin Thodé & family

sisters/brothers:

Joan Wilson

Roland Wilson & family

Cornelius Wilson & family

Sandra Wilson & family

Many other family and friends of Norman and Marjolein ‘Leintje’ on:

Demas famia- i amigunan di Norman i Marjolein ‘Leintje’ na: Aruba, Boneiru, Kòrsou, St. Maarten, Statia, Saba, Jamaica, St. Lucia; Nederland, United Kingdom, France, Norge, Danmark; Ecuador, Costa Rica and Australia.

Our gratitude goes out to everyone who assisted in the care for Norman in this trying period.

Nos gratitut ta bai na tur persona ku a yuda den kuido pa Norman durante e periodo doloroso aki.

We know that instead of flowers, Norman would have appreciated your donation to:

Nos sa ku en bes di flor, Norman ta apresia bo donashon na: **Fundashon Ministerio di Gracia Bonaire**

RBC: 840000900022662

In his memory.

Na su memoria.

Burial ceremony is on saturday, february 25, from 12:00 to 14:00 pm at Consuelo Memorial, Kaya Maria C. Hellmund-Boom nr. 11 Bonaire CN

Akto di despedida ta tuma lugá djasabra 25 di febrüari di 12’or pa 2’or na Consuelo Memorial, Kaya Maria C. Hellmund-Boom nr. 11 Bonaire CN.



POLÍTICA

Análisis di Noel Janga

MPB, UPB i M21, mas visibel den duna informashon profeshonal

KRALENDIJK -- E tòp tres partidonan polítiko ku mas ta visibel den dunamentu di informashon na pueblo i den un forma profeshonal ta, MPB, UPB i M21. Esaki segun un análisis di Noel Janga, kende ta haña importante pa tuma tempu pa splika pueblo kiko a hasi kiko ta hasiendo i kiko lo ke bai hasi pa pueblo. Dor di in-

formá pueblo ta yuda e siudadano pa pensa kiko e ke hasi. Esaki ta reflehá madures tambe di e organisashon polítiko enbolbí. Janga ta haña hopi ta kere ainda ku e forma di hunga riba emoshon di pueblo pa haña voto ta vigente ainda akí na Boneiru. Tin hopi ta riba e sistema ei ketu bai, pero mayoria ta pensa bon promé ku nan tuma desi-

shon. Janga: “Sí bo ta presentá konstantemente den publisidat pa duna informashon, òf via pamfleta òf ta traha programa na medionan di komunikashon pa informá, esei ta mustra tambe e karakter madurá di e partido konserní. E ta asumí responsabilidat pa informá esnan ku e ke sirbi. Ora bo informashonnan ta superfisial i no konvisente,

e ta krea un sentido di insiguridad. I bo por sinti i ta parse tambe ku e informashonnan ei ta djis pa hasi kampaña, pero nan no tin un base sólido. Nan no ta informashonnan konvisente, sino mas bien djis pa entretené oreá di inosentenan pa tuma desishon basá riba emoshon i no un sentido di konsiensia. I bèrdat, segun Janga, e lo a deseá pa tur e

orga-nisashonnan polítiko ku ta partisipá na elekshon di Konseho Insular por tabatin e mes un nivel di informá pueblo. Esaki, di akuerdo ku Janga, ta djis un opinion basá riba su observashon di e situashon kon ta informá pueblo promé ku elekshon dor di partidonan polítiko ku ta partisipá i su opinion no nesariamente mester ta bèrdat.

Mucha chikitu ta koba mama abiertamente

KRALENDIJK -- Straño ku por parse, mucha muhé chikitu durante marcha di despedida ta koba mama di un otro mucha ku estatura igual kuné.

Ta trata di kwater mucha ku tabata kana riba Kaya Nikiboko Sùit, na altura di Future Shop. Dado momentu un mucha muhé di mas o ménos 8 pa 9 aña, a bira koba mama di un mucha hòmber kasi mesun grandi kuné.

Probablemente e mu-

cha hòmber a koba di e mucha muhé promé i por a tende e mucha muhé puntra e mucha hòmber “Kiko bo a bisa.” E mucha hòmber a kontestá ketu ketu, loke el a bisa.

Na e momentu ei e mucha muhé a bisa abiertamente e ... mama. Diferente persona a tende i a bisa na bos haltu: “Haló, esei no por. Unda e respèt a keda.”

E mucha muhé a bisa: “E mucha hòmber a koba di mi promé.”

E mucha muhé chikitu di mas o ménos 8 pa 9 aña a sigui kana huntu ku e otro nan manera nada a sosodé. Sin niun bèrgwensa òf mièdu pa un hende bisa su mayornan.

E hendenan ku a tende e mucha manda e palabra malu, no por a kere loke nan a tende, e kurashi ku e kriatura tin i nan a keda komentá riba loke a sosodé.

Potrèt saká na e sitio momentu ku ya e muchanan a kana bai.



Un di Aruba i un di Boneiru

Poulino St. Jago i Vicente Ras den Herensia


KRALENDIJK – Dos persona di diferente isla, Boneiru i Aruba, ta den e programanan Herensia ku ta pasa e siman aki na Bonaire.tv. Di Boneiru ta Poulino St. Jago i di Aruba Vicente Ras.

Poulino St. Jago a nase i lanta den Rincon. Felix Nicolaas, ko-presentadó di Herensia, a papia ku Poulino tokante su bida i karera.

Na Aruba Bòi Antoin a entrevistá na luna di novèmber último Vicente

Ras, konosido musikant i kantante, baluarte di barío Brasil. Tur aña e ta partisipá den selebrashon di dande. A tene dos entrevista ku Vicente Ras. Esun promé ku ta pasa aki ta bai tokante su bida. Segundo programa ta bai tokante su talentonan musikal.

E programa di Poulino ta pasa awe djaweps a tardi 4'or i mañan anochi 8'or. Vicente ta estrená djasabra mèrdia 12'or ku vários ripitishon e dianan siguiente.



Tremendo kolaborashon entre SELIBON, AGRITERA i LVV

KRALENDIJK - Djabièrnè 17 di febrüari último a inisiá e proyekto ku lo benefisiá komunidad di Boneiru. A duna forma na un tremendo kolaborashon entre Selibon, Agritera i e departamento di gobièrnu ku ta konsehá tokante agrikultura i krio di bestia, pues LVV. E meta di e proyekto aki ta pa fabriká kòmpòst aki, na Boneiru mes.

Nolly Oleana di Agritera a tuma e inisiativa pa e proyekto aki i Selibon sin niun duda a sosten'è. "Mi a pensa kiko nos por hasi pa kontribuí na futuro desaroyu di Boneiru i prinsipalmente krea kuminda pa nos propio poblashon. Mirando esei nos a wak rònt ta kiko nos tin di nos propio naturalesa", Oleana a bisa durante un aktividat pa ranka

sali ku e proyekto.

Oleana a splika ku pa stimulá plantashon mester di e 3 komponentenan tera, solo i awa. "Ta un echo ku nos tera no tin suficiente nutriente, pues mester hasi algu na e konstelashon di e tera. Ora bo pone kòmpòst na e tera, esaki ta bira mas riku i naturalmente produkshon ta oumentá."

Kiko e proyekto aki ta?

Básikamente e proyekto di kòmpòst aki ta masha simpel. Selibon ta kolektá mèst di bestia i yerba. Aki ta agregá awa di kloaka i tera. Despues di un periodo ku esaki para i 'traha' nos ta haña kòmpòst, ku ta bon pa bolbe planta.

Huntu e tres partidonan a skohe 18 kliente ku frekuentemente ta bishitá



e sentro di prosésá shushi na Lagun, Landfill. Nan ta sòru pa un fluho di shushi di kurá, pues yerba, palu, rama i blachi. Awor enbes di hiba e shushi aki Landfill, ta tres'e na LVV. Aki e 'shredder' ta mula e shushi orgánico aki pa us'e den traha kòmpòst.

Selibon su parti den henter e proyekto aki ta esensial, mirando ku Seli-

bon ta pone un 'shredder' na LVV. Tambe lo tin un empleado di Selibon ku ta vigilá si e proseso di separá shushi ta kana segun e regla di e kompania. Selibon ta demostrá un bia mas ku semper e ta pará kla pa yuda promov'è desaroyu di nos isla. "Sin Selibon hopi kos no ta posibel. Selibon semper tei den e tipo di desaroyonan aki", Maurice

Adriaens di LVV a elogiá.

Benefisio

E benefisiosonan ta grandi. Na momentu ku e proyekto kristalisá, ta nifiká ku no mester importá kòmpòst mas. No solamente ta skapa sèn pero nos por ta sigur ku ta un bon produkto. Mester mensioná ku awor un saku di kòmpòst ta kosta 17 dòler. Agritera ta kalkulá ku un saku di kòmpòst 'boneriano' lo kosta no mas ku 10 dòler. Naturalmente e proyekto aki ta amplio i Selibon den e próksimo simannan lo sigui informá komunidad. Lo profundisá den e kolaborashon entre e 3 partidonan i tambe e esensia di e proyekto aki.

E fotonan ta duna un impreshon di inisio di e proyekto



Apesar ku tin roster

Awa ta keda para

KRALENDIJK -- No muchu tempu pasá a drecha Bulevar Gobernador Debrot. Sinembargo a resultá ku awor ku a drecha e kaminda, awa ta keda para. Loke ta keda siudananonan straño ta, ku tin un roster nèt algu promé ku entrada Kaya J. Pop na Playa Pabou.

Intenshon di e roster ta netamente pa awa bai i no

keda para riba kaminda. Pero esei no ta e kaso. Ora awa kai, ta basta awa ta keda para i no ta bai. Esaki ta kousa un opstakulisashon mirando ku outomobilistanan mester baha velocidat.

No ta muchu kla kiko te motibu ku e awa no ta bai siendo ku tin un roster. Sigur algu ku esnan konserní mester atendé kuné.



Kruseronan di bishita serka nos

E dianan aki kasi tur dia tin barku di turista, krusero, di bishita den haf di Kralendijk. Pero nos no sa masha di nan. Nos ta mira nan komo djis un barku di turista mas. Pero nan tin nan historia. Den un seri di artíkulo BONERIANO ta dediká atenshon na e barkunan aki. Añanan pasá tambe a hasi esaki den Extra, pero tabata otro tempu i otro barku.

Carnival Spirit

Carnival Spirit ta un barku di klase Spirit operá pa Carnival Cruise line, un subsidiario di Carnival Corporation & plc. A traha e barku na Helsinki pa Kværner Masa-yards. E tabata e promé krusero di klase Spirit ku a uni ku e flota di Car-

nival despues di su entrega na 2001. Kværner Masa-yards a traha e barku na su waf nobo na Helsinki. A introdusí Carnival Spirit 7 di yüli 2000 i a komplet'é riba 11 di aprel 2001. E polítiko merikano Elizabeth Dole a nombra e

barku na Miami riba 27 di aprel 2001.

Historia

Anteriormente, den temporada di otoño i wenter di nort, Carnival Spirit tabata nabegá for di San Diego i Los Angeles te na riviera mehikano. Despues di

posishonamentu di Carnival Spirit pafó di San Diego na aprel 2012, Carnival a stòp operashonnan ku e haf.

Durante e periodo entre mitar di mei i fin di sèptèmber (summer di nort), Carnival Spirit a nabegá den e awanan huntu ku E Pasahe Interior di Alaska den bihenan alternativo di un siman den direkshon nort i sur ku parada na Vancouver i Seattle. Na sèptèmber 2012, Carnival Spirit a nabegá pa islanan di Hawaii.

Despues ku Carnival Spirit a terminá su biahe pa Alaska i Hawaii, el a transformá den un krusero trans-pasífiko, parando na Tahiti i Fiji pa re-posishoná na Sydney, yegando riba

16 di òktober 2012. Tabata e promé biaha ku Carnival tin un barku permanentemente pafó di nòrt Amérika. El a pasa dòk seku na San Francisco nuebe luna promé pa prepará su aventura australiano. Esaki a inkluí instalashon di puntonan di alimentashon estilo australia, komo tambe di moneda abordo na e dòler australiano. Kosto total di e renovashonnan ta estimá na un total di US 77 mion. Carnival Spirit su promé biahe for di Sydney, pa Pasífiko Sur i Nueva Zelandia, a inisiá 20 di òktober 2012.

Entretamentu



Carnival Spirit su largura ta 294 meter i tin un hanchura di 32 meter. Tin un total di 12 dèk i 8 restorant abordo. Un kantidat di 930 persona ta laborá riba e barku i kantidat máksimo di pasahero ta 2124. Tambe tin 4 pisina, sine pafó i paden, tienda nan di marka renombrá i diferente bar. Tin áreanan spesialmente diseñá pa mucha i hóbennan. Tur anochi den e diferente klup nan tin show i presentashon di músika bibu.



MONCHI & TONCHI

Ayera tabata djárason di shinishi. Awe ta djaweps di maron, mañan djabièrnè di oraño.

Awèl sí. Anto djasabra di kòrà, djadumingu di bèrdè, djaluna di krèm i djamars di lila.



KOLOFÓN

Editor: Bonaire Communication Services N.V.
Kaya Irlanda 12,
Tel. 717-8482

Redakshon: extrabon@gmail.com

avisobon@gmail.com

Wèpsait: www.extraboneiru.com

Facebook: Extra Boneiru

Direktor
Shirley Martis
785-3824
796-3824

Partner na Aruba
Awe Mainta
Partner na Kòrsou
Extra
Partner na Boneiru
Live99

Redakshon
Papi Antoin
Nathaly
Evertsz-Ipcedencia
Davienuska Janga
Velli Gijsbertha
Edson Pietersz
Ibi Piar (deporte)

Layout
Davienuska Janga
Maya Beaumont

Konsehero:
Bòl Antoin
786-6818
Aviso
avisobon@gmail.com

Tyziano Casseres, a kanta pa Boneiru

KRALENDIJK--Rei tumba chikitu di Kòrsou, Tyziano Casseres, a kanta su tumba na Boneiru pa su famia i pueblo di Boneiru kompletu. Tyziano Casseres, a sali Rei di Tumba hubenil na Kòrsou, kaminda e ta biba. E mama ta boneriano i Tyziano, a biba un temporada aki. Hendenan a apresí'á mashá su presentashon.



Hóbennan den problema


KRALENDIJK -- Durante marcha di despedida a surgi un problema na altura di Ofisina di Pòst den sentro di siudat. Polis mester a atendé ku algun persona i a bai ku nan.

Un agente na e sitio a pidi tur hende plama for di otro i bai gosa di karnaval. Esaki pasobra hendenan a keda komentá i aserká polis

riba loke a sosodé.

Aparte di e situashon akí, por a komprondé ku na altura di Kaya Nikiboko Sùit tambe polis a pasa na kareda i drenta kurá di un kas pa atendé un situashon.

Generalmente a bai relativamente trankil. No tabatin nada serio, òf problema grandi.



Hopi polis riba kaya



Durante temporada di karnaval tabata notabel polis na gran kantidat tabata move den e aktividatnan. Riba potrèt un grupo di polis riba Kaya Nikiboko Sùit durante marcha di despedida.

Marcha di despedida 2023





STATIA/SABA/ST. MAARTEN

Firmamentu kontrakt revitalisashon Oranje Bay Road

ORANJESTAD (EUX) – Aktualmente a hasi e kaminda limpi pa asina kuminsá ku e trabounan di rekonstrukshon di Oranje Bay Road na Lower Town. Gobièrnu di Statia a firma un kontrakt ku Statia Construction pa hasi e trabounan di e proyekto renobashon di e kaminda, for di Smoke Alley Hairpin, te na e planta di awa di STUCO.

E kontrakt, ku a firma dia 20 di febrüari, ta pa mehorá mas di 1050 meter di

e kaminda, e instalashon di asera, ekspanshon di fasilatnan di parker i medidanan di siguridat di tráfiiko. Ta kondusí e proyekto den dos fase i e trabounan ta kalkulá pa kuminsá den e promé kuartal di 2023.

“Esaki ta muchu mas ku un kaminda. E konekshon entre haf i siudat ta tokante hende i produkto i e ta di vital importansia pa e isla,” Komisario di Gobièrnu, Claudia Toet, kende na nòmber di Gobièrnu di Sta-

tia a firma e kontrakt, a bisa. Doño di Statia Construction, Jamie Lopes, a firma na nòmber di e kompania. Meta di e proyekto ta pa mehorá e konekshon entre haf i aeropuerto, di akuerdo

ku e desishon di ‘modelo showcase’, di e ministerio di infrastruktura i maneho di awa hulandes, huntu ku Direktorado di Ekonomia, Naturalesa i Medioambiente di Statia.

Pronto ta tuma kontakto ku tur partner i tene un reunion pa planifikashon mas aleu. A konsedé e kontrakt na Statia Construction basá riba e kriterio di suskripshon i mihó kalidat i preis.



Treinen defensa propio pa hende muhé

PHILIPSBURG – Minister di Salubridat Públiko, Desaroyo Sosial i Labor, Omar Ottley, a bishitá e treinen di defensa propio femenino, un proyekto piloto presentá na Women's Desk, un divishon di Departamento di Desaroyo Komunitario, Famia i Asuntunan Humanitario.

E treinen a kuminsá djaweps 3 di novèmber

aña pasá, ku e konsepto ku defensa propio ta e mihó defensa.

E treinen ta un parti di e inisiativa di e proyekto piloto i e otro parti di e departamento su aktividatnan pa konmemorá e dia 16 Dia di aktivismo di eliminashon di violencia kontra hende i mucha muhé, di Nashonnan Uní.

E inisiativa ta fokùs riba edukashon di komu-

nidad tokante e nifikashon di e base di defensa propio a base di produkshon di pelíkula di konsientisashon i treinen físiko.

E proyekto lo provee hende muhé ku e abilidadnan fundamental i táktika pa respondé riba situashonnan di pelea, meskos tambe e oportunitat pa konstrukshon fuerte i move mas.



DEPORTE

Janiro kampion 7 bola

KRALENDIJK--E hóben biarista Janiro Chatlein, por sierto miembro di direktiva di e federashon di biliart di nos isla ku ta FeBiBo, a bira e hungadó ku a pasa mas 7bola durante kampionato regular di biliart bola-8.

E kampionato regular a finalisá i awe nos

ta duna publisidat na e resultadonan individual di e kampionato.

Entre otro awe nos ta publiká e resultado ken a pasa mas 7bola den e kampionato regular di 3 buèlta.

Janiro Chatlein a pasa un total di 4 7bola.

Jurdison Josephia a pasa un total di 2 7bola.

David Zhen tambe a pasa un total di 2 7bola.

Hungadónan ku a pasa 1 7bola.

Marnix Abdul.
Marvin Abdul.
Charles Janzen.
Arnold Ford.
Naygel Coffie.
Garino Molina.
Braien Landskind.

Azteca promé lugá kampionato regular bola-8

KRALENDIJK--Nos a risbí e standing ofisial na final di kampionato regular di biliart Bola-8 di FeBibo ku ta e federashon di Biliart di nos isla. E ekipo di Azteca a finalisá e kampionato regular na kabes.

Aki ta sigui e standing i posishon ofisial ku e ekiponan den e kampionato a finalisá e kampionato regular kuné.

Niun di e 5 ekiponan no a logra pasa e buèltanan regular di e kampionato invikto. Azteca ku a finalisá e buèltanan regular na promé lugá, a finalisá e kampionato regular

ku 3 partido pèrdí.

Posishon ekiponan.

1. Azteca 9 ganá 3 pèrdí, 53 sèt na favor 36 kontra, averahe +17 sèt.

2. Mastertouch 8 ganá 4 pèrdí, 52 sèt na favor 38 kontra, averah+e +14 sèt.

3. The Untouchable 7 ganá 5 pèrdí, 51 sèt na favor 43 kontra, averahe di +8 sèt.

4. La Tropicana 6 ganá 6 pèrdí, 45 sèt na favor 39 kontra, averahe di +6 sèt.

5. Ricochet 1 ganá 11 pèrdí, 23 sèt na favor 59 kontra, averahe di -36 sèt.

DEPORTE

Boneiru ta haña Cruyff Court spesial

KRALENDIJK – Johan Cruyff Foundation den koperashon ku Ministerio di Salubridat Públiko, Bienestar i Deporte, ta bai realisá e promé Cruyff Court spesial na Karibe Hulandes. E siman ku a pasa e hiba kombersashon pa esaki na Boneiru.

E Cruyff Court spesial ta un tereno deportivo intenshoná pa hendenan ku un limitashon. E tereno de-

portivo ta diseñá a base di e nesidat pa hende ku no por hasi uso di un Cruyff Court regular. Asina por pensa na por ehèmpel un base adaptá òf atributonan deportivo adaptá.

E siman ku a pasa Johan Cruyff Foundation a hiba kombersashon ku IN-DEBON, Bon Bida i Fundashon Kuido pa Personanan Desabilitá (FKPD).



Janiro Chatlein ku mas wega ganá

KRALENDIJK--Janiro Chatlein, por sierto miembro tambe di direktiva di FeBiBo ku ta e federashon di biliart di nos isla, a finalisá kampionato regular di biliart bola-8 ku mas wega ganá den e kampionato.

Janiro Chatlein a finalisá ku un total di 11 partido ganá 0 pèrdí, 22 sèt na

fabor 6 kontra, averahe di +16 sèt.

Charlton Thomas ku 10 ganá 1 pèrdí, 20 sèt na fabor 5 kontra, bon pa un averahe di +15.

Marnix Abdul 7 ganá 0 pèrdí, 14 sèt na fabor 0 kontra, averahe +14.

Jurdison Josephia 9 ganá 2 pèrdí, 20 sèt na fabor 7,

averahe +13.

Marvin Abdul 7 ganá 1 pèrdí, 14 sèt na fabor 3 kontra, averahe +11.

Charles Janzen 7 ganá 3 pèrdí, 17 sèt na fabor 8 kontra, averahe +9.

David Zhen 7 ganá 3 pèrdí, 16 sèt na fabor 8 kontra, averahe +8.

Arnold Ford 7 ganá 3

pèrdí, 15 sèt na fabor 8 kontra, averahe +7.

Vladimir Mercera 4 ganá 0 pèrdí, 8 sèt na fabor 1 kontra, averahe +7.

Javier Sof 5 ganá 2 pèrdí, 11 sèt na fabor 4 kontra, avarehe +7.

Julius Clarenda 7 ganá 3 pèrdí, 15 sèt na fabor 0 kontra, averahe +6.

Naygel Coffie 5 ganá 1 pèrdí, 11 sèt na fabor 5 kontra, averahe +6.

Garino Molina 7 ganá 5 pèrdí, 17 sèt na fabor 11 kontra, averahe +6.

Braien Landskind 7 ganá 4 pèrdí, 14 sèt na fabor 9 kontra, averahe +5.

Indebon ta trese federashonnan di deporte huntu

KRALENDIJK – Si man pasá e di dos ‘Sport Federation Meeting’ (enkuentro di federashonnan di deporte) a tuma lugá na Boneiru. Durante e enkuentro di ret akí, fortifikashon di e kolaborashon entre e federashonnan di deporte na Boneiru tabata sentral i nan a papia tokante desaroyonan riba tereno di moveshon i partisipashon na deporte.

Representantenan di diferente disiplina di deporte, manera basketbal, rugby, waterpolo, yudo, hockey i ‘ultimate frisbee’

a duna akto di presensia. Nan a papia entre otro tokante e deseo pa un sistema di hasi reservashon online, kaminda federashonnan i organisashonnan di deporte na un manera fásil por hür sala i espasio pa hasi nan aktividatnan deportivo.

Indebon, e departamento di deporte di Entidat Públiko Boneiru, a organisá e ‘Sport Federation Meeting’. Diputado James Kroon di Deporte tambe tabata presente i el a bisa: ‘Esaki ta resultado di un vishon klarito riba deporte lokal. Organisashonnan

kualitativo di deporte ku sosten profeshonal, ku den un forma korekto i den un ambiente seif ta duna lès na nos hóbennan lokal. Nos tur tin ku bai move mas. Esaki ta bon pa nos kurpa i pa nos mente, i pues pa nos komunidad tambe.’

Desaroyo di Deporte

na Boneiru i aktividatnan manera esaki, ku tin komo meta pa organisá deporte na un manera duradero na nos isla, ta forma parti di e Akuerdo Karibense di Deporte i Prevenshon 2019 – 2023. E akuerdo akí ta marka e laso di kolaborashon entre Entidat Púb-

liko Boneiru i Ministerio di Salubridat Públiko, Bienestar i Deporte, i e ta fungi komo un kapstòk kaminda ta kologá tur proyekto pa e infrastruktura di deporte, pero tambe formashon i guia di e dirigentenan i e organisashonnan.



ARUBA

Paul Croes ta den KIA desde diamars mainta

ORANJESTAD -- Diamars mainta Paul Croes a meldu na Korrektie Instituut Aruba pa sinta su sentencia di 3 aña di prizon. El a haci esaki den tur tranquilidad sin ningun fanfaria y sin a laga avisa ningun medio of amigonan. El a scoge esaki pa tranquilidad di su famia y esnan cerca na dje, segun AWEMainta a wordo informa. Su palabranan pa prensa prome cu el a bay paden tabata: “Mi ta carga mi responsabilidad cu un mente y curason trankil.

Como esun responsabel pa tur cos cu ta encera un Ministerio di Gobierno ami ta esun cu mester carga e responsabilidad aki. E periodo aki mi lo uz’e pa enfoca riba cosnan positivo cu mi por saca for di e momento pisa aki den mi bida y yuda hobennan cu ta cay cera y yuda den duna les na esnan cu lo desea esaki.” Paul Croes a sigui bisa: “Sigur e ta un situacion duro pa mi y mi famia. Momentonan dificil cu nos ta pasando aden pero cu un confiansa

y energia positivo nos ta sali for di esaki tambe. Mi lo sali hopi mas fuerte di henter e situacion aki. No ta e ultimo cu boso lo scucha di Paul Croes.”

Paul Croes a ricibi e sentencia final di Corte Supremo (Hoge Raad) Cassatie na Hulanda dia 7 di Februari recientemente. OM a dun’e te dia 21 di Februari pa meldu na KIA y esaki ta locual el a haci tambe, despues di a pasa e fecha di cumpleaños di su yiu muhe den fin di siman.



KFC y BK den man di grupo Nucete di Bright Bakery

ORANJESTAD -- E compania local cu tin e frankicia di KFC y Burger King ta den problema serio. Pa algun tempo caba a constata cu e clientenan ta decepciona pa e forma di maneha e empresanan aki. No ta papia solamente di servicio cu ta brinda den e establecimiento pero hasta e limpieza ta laga di desea.

Pa algun luna caba cli-

entenan ta critica cu hopi biaha no tin producto disponibel. Por ehempel den e caso di KFC nan famoso biscuit hopi biaha pa tempo largo no ta disponibel. Nan mester a cambia e refresconan cu nan tabata uza pa motibo cu nan cuenta a wordo cera na e otro compania cu tabata entrega e producto aki na nan.

Banda di esaki a hinca

placa den construccion di varios edificio nobo pero tambe filialnan nobo manera BK Santa Cruz y edificio nobo pa KFC y BK na Playa. Pues pa casi un aña caba e situa[1]cion aki tabata andando ora cu a haya interes di un posibel comprador. Ta trata di Miguel Nucete cu ta esun cu a “cumpra” Bright Bakery riba un lease agreement. Nucete y su compa-

nia ta interesa, pero no tin e cash pa cual mester haya financiamiento di banco y aki e rabo di porco a cuminsa crul.

Den e negociacion cu Nucete a inicia pa compra share di e companianan local doño di KFC y BK, hopi cos a bay robes, di loke por a lesa den sentencia di Corte duna recientemente. Hecho cu e propio Nucete, sin haci due diligence prome a bay di acuerdo pa tuma operacion di e companianan over prome cu e compra mes tuma luga.

Loke ta remarcabel ta cu den e proceso aki ambos partido tabatin e mesun abogado, cual no ta normal den mundo di comercial. Nucete a comete poco error barbaro, manera firma pa tuma operacion despues di dos dia, lagando e condicionnan poni pa compra di sharenan cay (kisas inconscientemente). Asina por ehempel, e ta bisa cu e no haya e relato financiero pa entrega esaki na banco. P’esey e no por tuma e operacion over. Pero Huez a mustre tuma operacion over no ta mescos compra e sharenan. Y a bis’e bon cla “abo mes a firma pa tuma e operacion despues di dos dia” di firma un asina yama

Side Letter, banda di e Share Purchase Agreement.

Awo a yega 7 di december y nada di Nucete su compania pa tuma over pa cual Island Holding, doño di e franki[1]cianan local di KFC y BK a mustre riba loke a firma y cu esey no a sosode. Awo cu Island Holding a bay Corte pa orden’e tuma e operacion den algun dia, a sinti cu door di e situacion malo di e bendedo e lo ta trata di saca lo miho di e situacion aki. Pero Huez a bis’e ‘no, no mener. Cos no ta bay asina.” E condicionnan ta algo cu no por cambia awo y “nos ta papia especificamente di tuma operacion over”. Y esaki bo mester cumpli cu e palabracion, tabata e ordo di Corte. Asina mes a duna e compania di Nucete dos siman di tempo. Esaki ta pa nan por toch sinta como profesional hunto y regla algun punto, no pa haci cambio.

E sentencia aki tabata dia 6 di februari y esey ta nifica cu pa awe diaranson, 22 di februari, ta e dia pa Etecun tuma over e operacion y finalisa e procedura pa haya 30 miyon florin pa compra di e frankicianan local, cual compra ta bini tambe cu algun edificio.

Cushina di cas na candela

ORANJESTAD -- Diamars algo prome cu 3’or di atardi, brandweer a sali cu urgencia pa un

cushina cu lo tabata na candela. E cas lo tabata bou huma. Den e cas lo tabata tin dos persona grandi. Na

yegada brandweer mesora a domina y combati e candela. E personal di brandweer a pidi pa presencia di ambulance pa haci un chequeo medico cu e señora, mirando cu e señora a keda basta spanta. E candela a cuminsa na momento cu e señora tabata den cushina dilanti stoof ta hasando algo y di golpi e vlamnan a bay halto.



ARUBA

Slompo 4 a laga piscadonan na caya riba lama

ORANJESTAD – Diamars mainta Wardacosta a ricibi un notificacion di e boto Slompo 4 cu tawata

tin problema cu motor riba lama. E capitan a notifica cu su boto di pesca tawata tin problema y cu e no por

a sigui nabega. E punto di sosten di Wardacosta na Aruba mesora a dirigi un patruya pa bay na localidad di e boto. Una bes cu a yega na e localidad di e boto banda di Commandeursbaai, e boto patruyero di Wardacosta a tou e boto cu dos persona abordo. Wardacosta a hiba e boto na Pier di Commandeursbaai, caminda Slompo 4 por a mara cu siguridad. Wardacosta ta avisa doñonan di boto pa haci mantencion regular na nan botonan. Pa nan propio siguridad na bordo mester tin: suficiente chaleco di salbabida, un flashlight cu bateria y un pito, un EHBO

kit, suficiente awa, aparato pa paga candela, VHF radio of un celular full di Slompo 4 a laga piscadonan na caya riba lama charge.

Evita e chens di un accidente of situacion peligroso riba lama cu bo boto

of seadoo. Den caso cu bo mester di yudansa bo por yama Wardacosta riba 913 of e whatsapp number 005999, 510 0913. Gosa di lama y beachnan na un manera safe.



Exhibicionista a saca su parti intimo

ORANJESTAD -- Di-aluna anochi prome cu 10'or polisnan a bay area di Paseo Herencia pa un homber cu lo a saca su parti intimo den baño pa un dama turista compaña pa su yiu menor di edad. Na yegada polisnan a papia cu casa di e muhe y e lo a splica nan kico a sosode den baño di un establecimiento ey banda.




Parce cu e homber ya lo tawata bezig algun rato prome den area di Holiday Inn y Moomba. Dilanti un tienda di e mall nan a bin

detene e homber aki, cu aparentemente lo ta mesun homber cu den pasado lo tawata ofrece muchanan di scol placa pa subi den

auto cu ne. Mester aña cu e homber tawata sodando profusamente, un indicacion cu posiblemente e lo a uza un of otro substancia cu a pone su sistema nervioso bay den "over drive".

Polis a bay unda e mama cu a yiu menor di edad tawata pa tuma nan declaracion. Agentenan a pidi transportwagen cu lo mester a hiba e homber Strandpolitie y tambe a bay over pa notifica e departamentonan concerni manera Slachtofferhulp y Jeugd en Zeden Politie(JZP).



Pronto Aruba lo tin un scol completamente renoba

Trabounan di renobacion na St. Aloysius School ta avansando

ORANJESTAD - Diamars mainta, Prome Minister Evelyn Wever-Croes, Minister di Enseñansa Endy Croes y Parlamentarionan Shailiny Tromp-Lee, Darlaine Guedez-Erasmus, Marcos Berlis y Ricky Hoek a bishita St Aloysius School pa asina por wak e avance di e trabounan haci pa cu e proyecto di renobacion di e scol.

Prome Minister a expresa di ta hopi contento di wak cu e trabounan ta avansando y cu lo termina

esakinan prome cu fin di aña escolar, pa asina nos alumnonan y maestronan por regresa na nan scol. Tambe e ta contento di mira cu durante e renobacion a mantene e estilo di e edificacion cu ta pas cu e ambiente eybanda.

Prome Minister a splica cu na momento cu e alumnonan y maestronan a sali for di e edificio di St Aloysius School, no tabata tin un plan concreto di kico lo bay haci pa por trece nan bek, Pero danki na e vision

di Minister Endy Croes pa cu enseñansa, a anuncia den un tempo hopi cortico, e plan di renobacion pa cu e scol. Minister Endy Croes a bira Minister di Enseñansa na final di 2021 y pa Mei 2022 ya caba a anuncia e proyecto di renobacion di St Aloysius School.

Hunto cu SKOA y e arquitecto di SKOA, ta trahando duro pa finalisa e proyecto aki lo mas pronto posibel. Otro scol cu a conoce un renobacion completo ta Imelda Kleuterschool.

Apesar cu e tempo ey tabata tin un discusion cu e ex-Minister di Enseñansa, Gabinete Wever-Croes a dicide pa drecha e scol y trece bek den su gloria manera e tabata.

Prome Minister tambe a indica di ta sumamente satisfecho di mira tambe e interes di Parlamento pa cu e proyecto aki, ya cu educacion ta primordial, y nan como Parlamentario ta esunnan cu ta aproba e proyectonan aki den e presupuesto. P'esey ta impor-

tante pa nan por wak con e trabounan ta avansando.

"E cabesante y maestronan di St Aloysius School tin hopi tempo den un edificio hopi chikito na unda no tin disponibilidad di tur facilidad. P'esey pa nos ta un orguyo di por duna nan bek un scol completamente renoba cu tur facilidad disponibel den curason di Noord", Prome Minister Evelyn Wever-Croes a termina bisando.

Tweede Kamer ke prohibí

Uso TikTok riba telefòn di trabou

DEN HAAG – Ántenan di Reino no por pone TikTok riba nan telefòn mobil òf otro aparatonan di nan trabou. Esaki un mayoria di Tweede Kamer ta haña. Partidonan di koalishon, VVD, D66, CDA i ChristenUnie, ta haña e peliger muchu grandi ku via di TikTok informashonnan ta yega serka gobièrnu chines. Djaluna Tweede Kamer a debatí ku Sekretario di Estado, Alexandra van Huffelen, responsabel pa digitalisashon, tokante e étniko di data di gobièrnu.

Prohibishon merikano

Na Estádos Unidos desde fin di aña pasá a bai di akuerdo ku un prohibishon riba e app chines

TikTok, riba tur telefòn di trabou di funshonarionan di gobièrnu merikano. E motibu di esaki ta e miedu pa spionahe dor di gobièrnu chines via di e app. Dor di instalá e app riba un telefòn, por ehèmpel por haña informashon di bo lokalidat i informashon privá, asina ekspertonan ta informá.


Gobièrnu chines tin hopi bos serka empresanan chines. E miedu p'esei ku informashon sensibel ta lèk na gobièrnu chines.

Kon peligroso TikTok ta

Christo Butcher ta un eksperto di siguridad sibernético na e empresa di siguridad Fox IT. “TikTok ta un app ku hopi hende tin i

e ta bin haña sa lihé tokante bo. E ta pidi hopi outorisashon pa bo kontaktonan, lokalidat, etc. Pues abo ta duna outorisashon ku kompartí esaki ku e app. E app pues sa di hopi hende. E pregunta ta, kon nos ta haña ku e tin tur e informashonnan akí? Na Estádos Unidos tambe esaki ta hunga un ròl. Hopi app ta hasi esaki, pero e pregunta ta: ken ta sinta tras di e app? Facebook parse TikTok, e empresa akí tambe sa hopi tokante bo. Pero e organisashon tras di Facebook ta otro ku e empresa tras di TikTok.

“E ta peligroso pasobra bo ta duna bo informashon. Pero e ta sintá tambe prinsipalmente na ken bo ta



duna bo informashon. Nos ta mira kon empresanan na Estádos Unidos ta atendé hopi otro ku na China. Facebook ta keda hopi mas leu for di gobièrnu merikano ku TikTok di gobièrnu chines,” Butcher ta bisa.

E pregunta ta sí nos ke pa hendenan mes hasi nan eskoho i e ora ei nos mester konta nan bon kiko ta e peligernan, òf bo ta prohibí for di ariba?

Usuarionan ta duna mu-

chu informashon di nan mes. I e informashon akí pues ta yega serka gobièrnu chines. Bo ta yama esaki spionahe? Esaki ta e pregunta. Di un banda bo mes ta duna outorisashon, pero esaki no ta e intenshon ku e informashon ta yega serka gobièrnu. Di otro banda, tin ehèmpelnan kaminda e ta hole pisá riba spionahe, pero solamente ta keda difísil pa prueba esaki, segun Butcher.

Eksploshon na negoshi

ROERMOND – E entrada di un restaurant griego den sentro di Roermond, a resultá destruí djaluna mainta dor di eksploshon. Polis ta sospechá ku e daño ta okashoná dor di vürwèrk pisá. Un reportero di L1 ta informá ku probablemente a benta e vürwèrk paden dor di e brivenbùs. Polis a sera e kaya di e restaurant.

Polis i Brantwer na

promé instante a bai Sint Christoffelstraat debí na e notifikashon di un kandela den un kas riba e restaurant, L1 ta skirbi.

Habitantenan i un kas na Abrikozentuin na Rotterdam, tambe a spanta durante nan soño dor di un eksploshon. Dor di un eksploshon kozein di e porta dilanti di un kas a resultá destruí.



AMC ke bai Korte pa para seramentu sentro kurason di mucha

AMSTERDAM – E sentro pa desafío di kurason di mucha ku kaba nase, CAHAL, di e sentro médiko universitario di Leiden i AMC Amsterdam, ta bai bringa e desishon di e minister di salubridat públiko, Ernst Kuipers, pa sera e sentronan hurídkamente. E sentro akí, ku despues di MC Erasmus ta e sentro di kurason di mucha di mas grandi, mester sera sí

ehekutá e desishon di Kuipers.

“Nos ta pone tur medio disponibel pe evitá e desishon i e konsekuensianan di esaki, ku komo bista un alternativa ménos dañino,” Douwe Biesma, presidente di e konseho di direktiva UMC Leiden, ta bisa. UMC Leiden primeramente ta hasi un opheshon formal serka e minister i sí esaki no produsí nada, ta involukrá Korte.



E último dos añanan gerente di e hospitalnan no por a bai di akuerdo tokante e manera ku e kuater sentronan di kurason aktual i e seshon di sirugia di kurason di mucha mester por a keda habrí.

Na bienestar di e kalidat, tur dòkter i hospital ta haña sí komprendibel pa konsentrá riba sirugia di kurason di mucha. Di e manera akí dòkternan por operá mas biá dor di kua nan ta hasi mas ora i por bira mas mihó den nan trabou. Sí esaki no sosodé, den futuro serkano algun dòkter mester ehekutá hopi ménos operashon.

Pero ningun hospital ke entregá nan propio sirugia di kurason di mucha i kardiólogonan di intervenshon. E interesnan ront di e spesialisimo ta grandi. Plaka di investigashon i sitionan di edukashon hopi lihé ta na peliger.

STATIA/SABA/ST. MAARTEN

Enkuentro ku ofisialnan di St. Kitts

ORANJESTAD (EUX)
 – Ofisialnan di turismo i transporte di St. Eustatius i esnan di St. Kitts, resientemente a reuní pa diskutí e posibilidatnan pa reforsá relashon pa biaha entre e dos islanan. Resientemente Makana a ekspandé su servisio di fèri. Ámbos partido ta rekonosé e poder ekonómiko i konekshon sosial entre e islanan. Oumentá sirkulashon dentro di e region tin benefisio ekonómiko èkstra ordinario pa negoshi chikitu i hotèl. Konekshon entre ru-

mannan karibense no ta limitá solamente na benefisio ekonómiko. E ta introdusí tambe e kaminda pa oportunidatnan edukashonal, promoshon di evento lokal i bishitá amigu i famia. Ministerio di turismo di St. Kitts, Marsha Henderson i su tim, a diskutí tambe tokante e oportunidatnan pa biahe interkontinental. E enkuentro akí a bini na e bon oportunidat konsiderando e ekspanshon di e servisio di fèri Makana, inkluyendo destinashonnan adishonal den su skema.



Van Huffelen ta haña

Entrega bèk derecho di presupuesto interesante

ORANJESTAD (EUX)
 – Sekretario di Estado pa

relashon di Reino, Alexandra van Huffelen, ta atmití

di ke duna bèk e derecho di presupuesto na gobièrnu

lokal di St. Eustatius, sin ku e isla ta kumpli ku tur kriteria.

kushon di e mehorashonnan ku falta.



E mandatario ta kontestá pregunta kítiko di frakshonnan di VVD i CDA den Tweede Kamer, ku a konstruí sufisiente garantia. Promé ku elekshonnan di 15 di mart, mester kaba ku algun mehorashon. Banda di esei, e diputadonan nobo skohé i Konseho Insular, mester kumpli ku e ehe-

Sí no tin sufisiente progreso, òf ku no a duna kontenido na e kumplimentu, lo wanta firmamentu di e desishon di Reino, segun van Huffelen. Entrega bèk di e outoridatnan ta nifiká tambe un entrega bèk di e responsabilidatnan. “Mi ta komprondé esaki, ku bista bèk riba pasado, ta un momentu interesante.”

Konstrukshon hotèl nobo ta menasá klep

ORANJESTAD (EUX)
 -- Un invershonista hulandes a kuminsá konstruí un hotèl nobo, ku ta situá na kosta atlántiko di St. Eustatius. Esaki ta duna un tremendo impulso pa turismo, pasobra Statia ta un destinashon hopi atraktivo pa kana i tambe pa sambuyá. E hotèl nobo ta krea mas kupo di trabou, pero e lugá skohé pa e konstrukshon di e hotèl, ta un problema, Clarisse Buma ta skirbi den un komentario.

Landamentu na playa di Zeelandia, kantu di kosta Atlántiko, ta prohibí pa motibu di esaki.

“Mi a mira riba Google Earth ku a traha un kaminda ilegal pa durante konstrukshon di e hotèl. Esaki ta krea riesgonan pa St. Eustatius National Marine Park, ku ta kuminsá na pia di klep. E parke marítimo aki ta protehá internashonalmente i ta di un beyesa úniko.

E distrukshon kousá na e klep akí ta un riesgo pa e hotèl tambe.” Buma ta skirbi.

Tin un pisina hopi hundu serka di e klep, loke ta kousa un riesgo pa e stabilitat

di e hotèl. E kaminda akí ta kousa tambe un riesgo pa naturalesa. E klep ta konsistí di santu, piedra i resto volkániko i nan ta suave i frágil. Un hotèl na banda di laman Karibe a sera debí na kolèps di klep. E klep ta de-

fensa di kosta natural kontra e efektonan di kambio di klima.

Na 2017 Den Haag a pone un banda e gobièrnu lokal pa falta di deber i lei. Pero ta importante pa tuma kuenta e konsekuensianan

di e konstrukshon akí riba e naturalesa i e ambiente marítimo.

Ehekutá e lei, òf e dicho bieu ta apliká aki nan. Esun ku ta paga, ta manda, Buma ta puntra.



Pago debe di Kòrsou na Hulanda lo tuma den e tèmpo aktual 300 aña ainda

WILLEMSTAD – E tèmpo ku Kòrsou ta paga su debe bèk na Hulanda ta asina abou, ku un pago bèk total lo bai dura kasi 300 aña. Esei por dedusí for di kontestanan di Sekretario di Estado, Alexandra van Huffelen, riba preguntanan por eskrito di Tweede Kamer.

Entre 2010 i 2020 Kòrsou a fia en total 800 mion florin. E debe total di Kòrsou na Hulanda ta na tur, 2.384 miar florin na 2020.

Kòrsou a kuminsá paga bèk na 2016. Entre 2016 i 2020 Kòrsou tabata paga 8.2 mion florin bèk pa aña. Si mantené e tèmpo akí, ta dura kasi 300 aña promé ku

a kaba paga tur kos.

E debe di Kòrsou promé ku Covid-19 na 2020 tabata kasi 2,4 miar florin. Hulanda i Kòrsou a sera diferente kombenio den e último añanan en konekshon ku diferente fianza.

E sifranan ku van Huffelen ta presentá na Parlamento no ta kontené e fiansan

di likidashon sin interes ku a suministrá komo sosten di presupuesto durante e pandemia di Corona.

Ku e fiansanan aki aserka, e debe di estado total na Hulanda ta mas ku tres miar florin.

Mester paga e fiansanan di likidashon bèk na luna di òktober di e aña akí. Pero e

paisnan a pidi pa kuminsá e siman akí ku negosashonnan pa posponé e fecha.

Hulanda a bisa di ta para habrí pa negosashon tokante e kondishonnan pa esaki, pero esei por nifiká sí ku ta kambia e kondishonnan di pago.

A sali for di impase

MFK i PNP ta yega na palabrashon

WILLEMSTAD—Den un karta habri, frakshon di tantu partido MFk i PNP a informá riba e situashon entre e dos partidonan. Lidernan tòp di partido MFK i PNP a reuní djamars 14 i djabièrnè 17 di febrüari, pa asina diskutí e situashon ku a presentá despues di e reunion di Parlamento di djaluna 13 di febrüari último. A hiba diskushon amplio riba e forma ku miembronan di Parlamento

ta komuniká ku otro. Partidonan a yega na akuerdo ku mester bin un “Protokòl di Kolaborashon” ku mester ta base pa optimalisá i garantisá un bon komunikashon entre e partnernan di koalishon.

Meta prinsipal di e protokòl aki ta pa na momento di tuma desishon, pa partidonan aktua i tene kuenta ku Akuerdo di Gobernashon, “Landspakket” “Uitvoeringsagenda”, programa di

Governashon, palabrashonnan adishonal ku lo mester hasi durante di e periodo di gobernashon i fortifiká e forma di komuniká entre partidonan, pero tambe entre Minister i Parlamentarionan. E protokòl menshoná mester ta firmá promé ku fin di febrüari próksimo, pa tur Minister i miembronan di Parlamento. Partidonan a akordá, ku lo no duna mas deklarashon riba e tópiko aki.

Kas na kandela ku morto

WILLEMSTAD—Djadumingu 19 di febrüari den oranan di mèrdia, sentral di Polis a risibí notifikashon ku tin un kas riba Cubaweg na kandela.

Na yegada di e unidat polisial, a topa ku un kas parsialmente na kandela.

For di un investigashon a sali na kla ku tabatin un hòmer desabilitá den e kas ku ya

no tabata duna señal di bida.

Dòkter di polis a yega na e sitio i a konstatá morto di e hòmer Jan Carlos Faneyte, nasé dia 26 desèmber 2002 na Kòrsou.

Personal di brantwer a yega rápido na e sitio i logra paga e kandela.

Kousa di e kandela ta debí na un korto sirkuito.

Promé Minister a sera konosí ku tòp di RBC

WILLEMSTAD – Promé Minister sr. Gilmar Pisas a sera konosí ku e tòp di RBC Caribbean Banking resientemente. Esnan ku a representá e tòp di Caribbean Banking di RBC Royal Bank tabata srs. Chris Ronald (Head Caribbean Banking), Pierrot Hurtado (Country Manager Curaçao & Bonaire and Area Vice President Personal Banking Dutch Caribbean) i Jarl Jie-A-Looi (Area Vice President Business Banking, Curaçao, Bonaire, St. Maarten & Saba).

RBC Royal Bank N.V. tin operashonnan bankario na Kòrsou, Aruba, Boneiru, St. Maarten i Saba i ta forma parti di RBC Caribbean Banking. RBC den Karibe

ta presente den 10 pais i teritorio (Bahamas, Islanan Turcas i Caicos, Isla Caimán, Barbados i Trinidad & Tobago), ku 38 brèñch i mas ku 2.800 empleado RBC ta sirbiendo mas ku un mei mion kliente den Karibe.

Sr. Chris Ronald tin bon konosementu di e desaroyonan ku tin na Kòrsou. Sin embargo e tabata deseá pa risibí informashon adishonal riba e desaroyonan ku tin aktualmente i tambe elaborá riba kon RBC por kontribuí na desaroyo di Kòrsou.

Promé Minister sr. Pisas a indiká ku pa e tabata un plaser di por a sera konosí ku e delegashon di RBC Caribbean Banking.



UNÍ NOS TA MÁ S FUERTE



16. HASI LEI DI IMIGRASHON HUSTU.

Nos ta kai bou di e legislashon Hulandes, esaki no tur biaha ta kuadra ku Boneiru. Nos ta traha huntu ku e ministerio konserni di Hulanda pa mehorashon.



17. KOMBATÍ VIOLENSHA DOMÉSTIKO.

Nos a organisá un kampaña preventivo i tabatin entrenamentu pa kolaboradornan (sosial). Tambe ta eksistí un sentro di refugio pa hende muhé. Aktualmente e "Family Justice Center" ta den konstrukshon. E ta bira un sentro sentral i seif, kaminda víktima di violensia doméstiko por keda pa risibí yudansa i sosten.



18. KOMBATÍ ABUSO DI BESTIA

Nos a marka pasonan padilanti! Nos a traha un plan di akshon. E kampaña di konsientisashon "Mi kachó Mi Responsabilidad" ta trata e lei i kuido di bestia ku ta andando. Ademas a hasi e presupuesto pa bienestar di bestia dóbél. Den koperashon ku Kuerpo Polisial i Ministerio Públiko a konbeni ku doño di bestia, ku ta laga nan besti-anan di kas riba kaya sin supervishon lo risibí un but. Ku koperashon di organisashonnan ku ta traha pa bienestar di bestia, ta dediká atenshon na bienestar di bestia na skol ku lo kuminsá otro aña.



19. TUMA KÒNTRÒL BÈK DI GOBERNASHON LOKAL I DIREKSHON DI BONEIRU.

Finansas públiko a keda mehorá. Funshonnan klave a keda yená i a krea un relashon mutuo di respèt i kompreshon ku ministerionan Hulandes, kaminda Boneiru ta stipulá prioridatnan di e isla.



KRISIS RIBA BONEIRU

Aparte di e 19 puntunan di prioridat, di kual mayoria ta realisá, òf ta den preparashon, tin hopi otro resultadonan importante ku a keda lográ. Keda tene nos informashonnan ku nos ta publiká na bista.

E gobièrnu aki a sa di manehá e krisis di mas grandi den historia di Boneiru satisfaktoriamente. E manera ku gobièrnu di Boneiru a atendé ku e krisis, i e desishonnan ku a keda tumá, tabatin komo resultado ku Boneiru a sali bon for di e krisis aki.

For di trempan e gobièrnu aki a sa di tuma prekoushonnan nesesarío i a tuma e pasonan nesesarío pa sigurá Boneiru di un bon salubridat públiko i sosten finansiero. A duna atenshon tambe na bienestar mental i ku "lockdowns" a keda limitá minimalmente.



ESAKI MPB A PRIMINTÍ I A HASI

Na 2019 MPB a biní ku un programa di akshon ku 19 punto di prioridat. Durante 4 aña nos a traha i a kumpli.

Aki un bista di loke nos a primintí i kon leu nos a yega ku esakinan

19 PUNTO DI PRIORIDAT

4 AÑA DI UN GOBIÈRNU STABIL 2019 - 2023



1. UN GOBIÈRNU STABIL I UN GOBERNASHON DI KALIDAT.

Nos ta e promé gobièrnu ku a sinta ful e periodo di gobernashon desde 2007.

A yena tur funshonnan klave ku tabata habrí.



2. SUBI ENTRADA I INTROUSÍ UN PENSUN ADISHONAL GENERAL.

Nos a logra den e periodo di gobernashon aki pa subi penshun di behes ku mas di 60%.

Sueldo mínimo a oumentá ku 38% mientras demas seguridat sosial a konosé un mehorashon konsiderabel. Gobièrnu di Boneiru ta sondia e posibilidat pa introdusí un provishon di penshun pa sektor privá.



3. BAH A GASTU DI BIDA

Gastu di krèsh a keda redusí te na 75% pa kada mucha pa luna. Gobièrnu di Boneiru a sòru pa riba e subsidio di Hulanda pa subsidiá adishonalmente e tarifanan di koriente. E asina yamá impuesto "belasting vrije som" a keda oumentá ku 40% kaminda tur persona ta sobra mas sèn di nan entrada na fin di luna.

ESAKINAN TAMBE MPB A SÒRU PA HASI PA BO



4. SUPSIDIO DI HÛR

Durante e periodo di gobernashon aki a realisá subsidio di hÛr basá riba entrada. Aktualmente tin un proyekto piloto andando pa subsidio di hÛr dentro di hùrdó partikular.



6. KRÈSH TRA'I MÈRDIA PÒRNADA I AKOHIDA DESPUES DI SKOL, TUR DOS DI KALIDAT HALTU.

Nos ta den e fase avansá pa realisá krèsh pòrnada pa mayornan. E gastunan ya ta redusí drastikamente. E gobièrnu aki a fiha normanan pa hisa kalidat di kuido ku akohidanan mester kumpli ku ne.



7. MIHÓ PREPARASHON PA NOS HENDENAN PA UN MIHÓ ENTRADA.

Via FORMA i den kolaborashon ku sektor privá ta ofresé diferente kurso (algun gratis) pa prepará nos hendenan pa un mihó posibilidat riba merkado laboral i asina logra un mihó entrada.



8. TRANSPORTE PÚBLIKO SUPSIDIÁ

Den e presupuesto a reservá sèn pa establese transporte públiko. E Direktorado di Planifikashon i Desaroyo mester ehekutá e plan.



10. HISA KALIDAT DI TURISMO I SUBI CRUISE TAX

A delinea un vishon pa turismo di kalidat pa Boneiru. E plannan aki a keda posponé i ahustá pa motibo di COVID i ta keda ehekutá aktualmente. "Room tax" i "car tax" a keda inkorporá den "toeristenbelasting" ku ta keda kobra na yegada di e bishitante na aeropuerto. E "head tax" pa e turista di barku krusero a keda oumentá di \$3,50 pa \$10 pa persona. E rendimentu haltu ku ta keda atkerí for di e entradanan adishonal di impuesto aki ta na benefisio di e kalidat di servisio ku Boneiru ta ofresé.



5. KRÈSH DI KALIDAT HALTU PA MUCHA DI 0-4 AÑA HINTER DIA.

Den 4 aña di tempu e kalidat di krèsh a mehorá konsiderablemente.



9. DRECHA NOS KARETERANAN

Den e último 4 añanan a drecha mas karetera ku nunca antes.

Asina mes nos lo ke mira e kareteranan keda mas lihé i mihó drechá, debi na oumento di tur tipo di tráfico.



MPB A LOGRA HOPI MAS! SCAN E BARCODE AKI PA LESA KIKO MAS MPB A HASI PA BO.



11. LUGÁ PA STASHONÁ OUTO DEN SENTRO DI SIUDAT

E tereno pegá ku nos pòstkantor a keda designá entre otro komo sitio pa parker. Na luna di mart 2023 lo kuminsá ku trabounan pa drecha e sitio aki ku klenku.



12. BAH A GASTU DI HASI NEGOSHI

Dor di inflashon mundial i sirkunstansianan aktual na Boneiru no a logra pa baha e gastunan pa hasi negoshi. Tin un kantidat grandi di proyektonan i kombersashonnan bastante avansá ku ministerionan Hulandes pa por logra realisá esaki durante e próksimo añanan.



13. TRAH I MANTENÉ KANCHA DI DEPORTE.

Nos gobièrnu mes a presu-puestá fondonan adishonal, tambe debí di e bon relashon ku e ministerionan konserni i bon relashon krea ku e ministerionan, fondonan a keda asigná ku a keda inverti den reparashon i mantenshon di varios kancha di deporte.

Por ehèmpel fèlt di AMAS, fèlt di ATC i tambe sigur e drag strep ku ta den preparashon pa kuminsá traha.



14. TRESE KULTURA MAS DEN SKOL I DEN BARIO.

A hasi posibel pa festividatnan manera festival di barío òf otro fiesta di barío tradishonal tuma lugá.

Nos a spònser un buki tokante nos kustumbenan, kultura i naturalesa ku a keda repartí na tur skolan básiko.

A prepará un programa di e kultura, historia i naturalesa di Boneiru pa keda inkuí komo lès den e kuríkulo na skol.



15. PARA MENASANAN KONTRA NATURALES.

Nos a pone un paro temporal riba konstrukshon di hotel i konstrukshon di kasan rekreativo pa di forma aki guia e desaroyo mihó.

Gobièrnu di Boneiru a reservá fondo pa kumpra FONTEIN bèk i hasi'è aksesibel pa públiko i asina protehá i mantené nos patrimonio kultural i nos fuente natural. A logra haña fondo di Union Oropeo pa proyektonan di naturalesa manera e proyekto limpieza di sargassum i e proyekto Lac pa semper.

Pintá pa artista lokal Nochi Coffie

Pintura di Boneiru na Rincon

KRALENDIJK-- Norwin 'Nochi' Coffie a krea un obra di arte riba di e negoshi "Live Again Cafe and Terrace". E obra ta ilustrá Boneiru di punta pa punta.

Lendy Leito, kende ta propietario di e terasa situá na Rincon, a splika ku

den promé instante el a pidi Coffie pa pone number di telefòn di e negoshi riba muraya. Esaki a kai na smak di tantu Leito i klientenan i tabata motibu pa Leito bolbe aserká e artista i den e kaso aki bini ku e idea pa ilustrá Boneiru.

Segun e artista e obra

a hala atenshon di tantu hende lokal pero tambe turistanan ku ta para i admirá e pintura.

Promé ku e artista a entregá su trabou ofisialmente, e huntu Leito a pone nan firma riba e obra.

Foto i informashon pa kortesia di NosTV.





Wireless earbuds
\$85



Folding Chair
\$46





CityShop
Smart shopping ▶ Better living



KARNAVAL



30 ANIVERSARIO

Backpack Beach Chair
SPECIAL PRICE \$89



20L Backpack
\$89.95



\$159
JBL Portable Speaker
Bluetooth
Water Resistant

